

Inatsisisatut siunnersummut oqaaseqaatit**Oqaaseqaatit nalinginnaasut****1. Inatsisisatut siunnersuutip tunngavia**

Akileraarutit A-t aamma iluanaarutisianit akileraarutit akilerneqarnissaannut piffissaliussat piffissaliussamut manna tikillugu atuuttumut sanilliullugit ullunik 11-t missaannik, Inatsisartut 2013-imni ukiakkut ataatsimiinneranni kinguartinneqarput, taamaalilluni piffissaagallartil-lugu akiliiffissaq kingulleq tassaalerluni qaammatip akiligassanngorfiup kingorna qaammatip tulliuttup ulluisa aallaqqaataat (Aningaasarsianit akileraarutit pillugit Inatsisartut inatsisaata allanngortinnejnarneranik siunnersuut, UKA 2013/100).

Sulisitsisut sulisoqarnermut akitsuummik akiliisarnerat nalinginnaasumik pisarpoq akileraarutit A-t akilerneqarnerat ilutigalugu. Taamaammat sulisoqarnermut akitsuutip akilerneqarnissaanut piffissaliussap, akileraarutinik A-nik aamma iluanaarutisianit akileraarutinik akiliinisamut piffissaliussaatuulli kinguartinneqarnissaa siunertalarugu Sulisoqarnermut akitsuut pil-lugu Inatsisartut inatsisaata allanngortinnejnarneranik siunnersummiik, Aningaasarsianit akileraarutit pillugit Inatsisartut inatsisaata allanngortinnejnarneranik siunnersummut atatil-lugu saqqummiussinissaq siunniunneqqaarluarpoq. Tamannali ajoraluwartumik pinngitsoorpoq.

2. Siunnersuutip imarisai pingaarerit

Inatsisisatut siunnersuut sulisoqarnermut akitsuutip akilerneqarnissaanut piffissaliussap allanngortinnejnarneranik imaqarpoq. Piffissaliussaq qaammatip akiligassanngorfiup ulluisa 20-anniat qaammatip akiligassanngorfiup kingorna qaammatip tulliuttup ulluisa aallaqqaataannut allanngortinnejnarpoq.

Siunnersuut akileraarutit A-t aamma iluanaarutisianit akileraarutit akilerneqarnissaannut piffissaliussat allanngortinnejnarnerannut (UKA 2013/100), akileraarutit A-t aamma iluanaarutisianit akileraarutit akilerneqarnissaannut piffissaliussamik qaammatip akiligassanngorfiup kingorna qaammatip tulliuttup ulluisa aallaqqaataannut kinguartitsinermik kinguneqartumut attuumassuteqarpoq.

Inatsisisatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisisatut siunnersuut</i>
	§ 1
	Sulisoqarnermut akitsuut pillugu Inatsisartut inatsisaat nr. 10, 2. november 2006-imeersoq, Inatsisartut inatsisaatigut nr. 5, 26. april 2007-imeersukkut allanngortinneqartoq imatut al-lannguiteqartinneqarpoq:
§ 5.	<p><i>Imm. 1.</i> Akissarsiat akitsuusigassaasut kattinnerannit akitsuut qaammatip tulliata aallaqqaataani akiligassanngussaaq piffissaagallartillugu akiliinissamut kingusinnerpaamik qaammatip akiliiffissaasup 20-ani killeqarluni. Piffissaagallartillugu kingusinnerpaamik akiliiffissaq sapaataappat nalliuuttupalluunniit imaluunniit arfininngornefulluni, piffissarititaasoq ulluinnaasumut tullermut sivitsorneqassaaq.</p> <p>1. § 5, imm. 1, ima oqaasertaqarpoq: ”Akissarsiarititat akitsummik akiliuteqaatasussat katinnerisa akitsuutitaat qaammatip tulliuttup ulluisa aallaqqaataanni akiligassanngussaaq, ulloq piffissaagallartillugu akilerneqarfissa kingulleq tassaalluni qaammatip akiligassanngorfiup kingorna qaammatip tulliuttup ulluisa aallaqqaataat. Piffissaagallartillugu kingusinnerpaamik akiliiffissaq arfininngorneruppat, sapaataappat nalliuuttupalluunniit, piffissarititaasoq ulluinnarmut tullermut sivitsorneqassaaq.”</p>
	§ 2
	<i>Imm. 1.</i> Inatsisartut inatsisaat 1. juni 2015-imi atuutilissaaq.

3. Pisortanut aningaasatigut allaffissornikkullu sunniutissai

Siunnersuut Akileraartarnermut Aqutsisoqarfiup sulisitsisut akiliutaannik naatsorsuutinut nalunaarsuilluni sulineranut allaffissornikkut sipaarutaangaatsiassangatinneqarpoq.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut taasarialinnik aningaasatigut sunniuteqassangatinneqanngilaq.

Siunnersuut inuussutissarsiutinik ingerlataqartunut allaffissornikkut sunniuteqassangatinneqanngilaq.

5. Avatangiisinut, pinngortitamut inuillu peqqissusiannut sunniutissai

Avatangiisinut pinngortitamullu sunniuteqarnavianngilaq.

6. Innuttaasunut sunniutissai

Siunnersuut innuttaasunut allaaffissornikkut sunniuteqartussatut ilimagineqanngilaq.

7. Sunniutissai pingaarutillit allat

Inatsisissatut siunnersuut allanik sunniuteqartussatut ilimagineqanngilaq.

8. Oqartussaasunik kattuffinnillu il.il. tusarniaaneq

Inatsisissatut siunnersuut piffissami 11. juni 2014-imiit 16. juli 2014-imut ukununnga tusarniaassutigineqarpoq:

KANUKOKA, Kalaallit Nunaanni Sulisitsisut Peqatigiiffiat (GA), NUSUKA, S.I.K., KNAPK, KPMG Grønland, Deloitte, Grønlads Revisionskontor, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Aatsitassaqarmut Suliffeqarnermullu Naalakkersuisoqarfik.

Aamma inatsisissatut siunnersuut oqaaseqaatitaalu Tusarniaavimmi tamanut saqqummiunneqarput uani www.naalakkersuisut.gl.

Tusarniaanermi akissuteqarnissamut piffissaliussaq qaangiummat tusarniaanermi akissutisigineqarput KANUKOKA, Kalaallit Nunaanni Sulisitsisut Peqatigiiffiat (GA) aamma SIK.

Oqaaseqaatit tiguneqartut ataani nalinginnaasumik allanneqarput, Naalakkersuisullu oqaaseqaataat *uingasumik* allanneqarlutik.

KANUKOKA-p kommunit sinnerlugit nalunaarutigaa inatsisissatut siunnersuutip tusarniaassutigineqarnera akissuteqarfingineqassanngitsoq, tassami tusarniaaneq taama siviksigtsumik piffissaqarluni, aammalu tusarniaanermut akissuteqarnissaq julip qaammataanut inissinneqarsimammat tunngavilorsorluakkamik akissuteqarfingineqarsinnaanngimmat. KANUKOKA-p kissaatigaa Inatsisartunut ilaasortat ilisimatinneqassasut inatsisissatut siunnersuutip tusarniaassutigineqarnera kommunit akissuteqarfinginngikkaat, Namminersorlutimmi Oqartussat kommunillu julip qaammataata tusarniaaffiusannginnissaanik isumaqatigiissutaat 20. maj 2010-meersoq eqquutsinnejqanngimmat.

SIK-p tusarniaanermut akissummini oqaatigaa tusarniaanermut piffissaliussatut ulluliunneqartut immikkoortoq 8-miittut, tassa oqartussaasunik kattuffinnillu tusarniaaneq, eqqortuunngitsut.

Ullut eqqortut immikkoortumut maanna allanneqarput.

Kalaallit Nunaanni Sulisitsisut Peqatigiiffiat siunnersuummut oqaaseqaatissaqanngilaq.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Siunnersuutigineqarpoq sulisoqarnermut akitsummik piffissaagallartillugu akiliiffissaq qaammatip akiligassanngorfiup ulluisa 20-anniit qaammatip akiligassanngorfiup kingorna qaammatip tulliuttup ulluisa aallaqqaataannut kinguartinneqassasoq.

Qaammatip akiligassanngorfiup kingorna qaammatip tulliuttup ulluisa aallaqqaataat arfininngorneruppat, sapaataalluni nalliuuttuulluniluunniit, taava piffissaagallartillugu akiliiffissaq kingulleq ulluinnarmut tullermut sivitsorneqassaaq.

§ 2-mut

Siunnersuutigineqarpoq Inatsisartut inatsisaat ulloq 1. juni 2015-imi atuutilissasooq.